

# It Noh Funny

Linton Kwesi Johnson

people sayin' dis  
people sayin' dat  
'bout di yout' af today  
how dem carryin' on away  
an' it noh funny  
it noh funny

dem wi` tek chance  
fi get a lickkle kile  
dem wi` tek chance  
fi live-it-up a while  
dem wi` tek chance  
fi live-it-up in style  
dem wi` tek chance  
fi goh jump an' prance  
dem wi` tek chance  
far dem love blues dance  
dem wi` tek chance  
an' dem don't count di caas

people sayin' dis  
people sayin' dat  
'bout di yout' af today  
how dem causin' affray  
an' it noh funny  
it noh funny

dem wi` tek chance  
an' dem love cuss raas  
dem wi` tek chance  
dem wi' skip dem claas  
dem wi` tek chance  
fi goh pap a lickkle style  
dem wi` tek chance  
dem dhu it all di while  
dem wi` tek chance  
but some a dem laas  
dem wi` tek chance  
an' dem don't count di caas

people sayin' dis  
people sayin' dat  
'bout di yout' af today  
'bout di way dem stay  
an' it noh funny  
it noh funny

dem wi` tek chance  
fi get a lickkle kally  
dem wi` tek chance  
wid y'you lickkle sistah Sally  
dem wi` tek chance  
far dem feel dem force  
dem wi` tek chance  
but dem gat no course  
dem wi` tek chance  
but dem is nat advanced

dem wi` tek chance  
an' dem don't count di caas

people sayin' dis  
people sayin' dat  
`bout di you' af today  
how dem really stay  
an' it noh funny  
it noh funny